

北洋官報

目錄

宮門抄

交旨

奏請○學部奏考試畢業游學生章程摺△東督錫奏請
 改道缺片△江督端奏中書銀行勸款請革追片△蘇
 撫陳奏請將巡緝合一聯隊摺
 公牘○督憲札一件△選舉員呈一件△清苑縣文生稟
 一件
 文告四則△電報九則△新聞九則
 彙編○鉅鹿縣教練所章程△各省出品協會章程

本局第一百七期法政學報已出

宮門抄

六月二十一日 農工商部 郵傳部 正藍旗值日 烏珍 秀吉謝 賞廢生 恩 錫公 延伯各

請假十日 召見軍機 農工商部遞封奏一件

交旨

六月二十一日 軍機大臣欽奉

諭旨農工商部會同學部具奏藝徒學堂課程較高擬請改爲中初兩等工業學堂一摺所請照舊劃撥崇文門溢

徵三成稅項著度支部議奏餘依議欽此

奏議錄要

學部奏酌擬考試畢業游學生章程摺

奏爲酌擬考試畢業游學生章程繕具清單恭摺仰祈

聖鑒事竊臣部於光緒三十二年四月奏准考驗游學

畢業生自本年始每年八月舉行一次奉

旨允准歷經遵辦在案惟考試舉行伊始一切章程皆係暫爲擬定

現在歷時既久或試驗而便於奉行或隨事而量爲通變且游學畢業人數日漸增多一切考試規條自不無加密

之處臣等公同商酌擬定考試游學生章程分爲八項辦理杜門局試略仿科舉取士之遺分科較藝兼取學堂積

分之法嚴於去取則名器無可濫邀密於關防庶弊竇可以盡絕謹繕具清單恭呈

御覽如蒙

俞允卽由

臣部遵奉施行嗣後體察情形如尙有須續行增改之處容臣等隨時奏明辦理所有酌擬考試章程緣由謹繕摺

具陳伏乞

皇上聖鑒謹 奏宣統元年六月十五日奉

旨依議欽此

謹將酌擬考試游學畢業生章程繕具清單恭呈

御覽

一考生資格

東西洋游學生應由出使大臣或游

學生監督將該生等履歷入學年月所習專科及預定畢業年限並有無曠課各節預行列表報部立案其赴部報

考時應由出使大臣或各省督撫或各部院堂官備文咨送出具切實考語方准與考東西洋游學生如係由中學

堂畢業得有獎勵後出洋者必在外國高等以上學堂肄業三年以上方准與考其未由中學堂畢業出洋者必在

外國普通學堂預備一年以上並在高等以上學堂肄業三年以上畢業者方准與考（在高等以上學校此校未

畢業而轉入他校者不得以兩校年限合計惟學科程度相同之學校預經出使大臣或游學生監督允准轉學報

部核准者不在此列）東西洋游學生必在大學堂及各項高等專門學堂畢業者方准與考 凡在外國中學中

等程度之實業及師範學堂與爲中國人特設班次之學堂畢業者均不准與考其由爲中國人特設班次之學堂

肄業轉入高等學堂之第二三年級者或由校外生畢業編入高等學堂之第二三年級者亦均不准與考凡選科畢業生如其所習學科不及該學堂所定各科四分之三者（設如某學堂所定應習之學科共十六種而該生所選習之學科不及十二種）不准與考 二查驗文憑 游學畢業生赴部報考應將畢業文憑及監督處證明書并筆記譯述等項呈明候核其在本國學堂或外國學堂得有普通畢業文憑者一併呈驗 三預行甄錄 游學畢業生無論有無普通學業畢業文憑均預行甄錄一場試以外國語文并該生專科所需之普通學（如法政文科之地理歷史及格致工科之理化算學）其平均不及五十分者不准與正場考試甄錄未取者准於下屆再與甄錄惟以一次爲限 四分門命題 正場考試分爲兩項第一項試中外文字第二項試科學 第一項試中國文一題外國文一題作一題爲完卷 第二項按照該生等所習專科分門命題每科限定六門以上八門以下每門一題主要者二題須按題全作 按門記分及核算平均之法照奏定學堂考試章程辦理 五考試日期 游學畢業考試定於每年八月舉行 考試分三場間日一場第一場試中外文字二三場試科學俱當日交卷 六分等給獎 此項考試等級照奏定學堂章程分別最優等優等中等 考列最優等者獎給進士考列優等及中等者獎給舉人均由學部開單奏請驗看恭候 欽定 獎給進士舉人者並加某學科字樣習文科者則稱文科進士文科舉人其法政科商科工科格致科農科醫科仿此 凡考試不及格者准於下屆再應考試惟以一次爲限 七分別職掌 主試官由學部奏請 欽派襄校官由學部遴選奏派均無定員視考試畢業人數多少臨時奏定 主試官命題閱卷選定襄校官所擬試題覆核襄校官所擬分數 襄校官分擬各科試題分校各科試卷 監臨官二員由學部堂官內奏請 欽派所有場前評定文憑分數臨場點名散卷及考試時整飭場規等事均應督率派出各司員認真經理並會同主試官辦理拆封計算總分數及填榜事宜 提調官二員由學部堂官就本部承參暨各司總辦中遴選奏派管理內場一切事宜及分撥試卷核算分數等事并隨同主試官監臨官辦理拆封填榜事宜 內外收掌官彌封官各二員由學部堂官就本部各司員中遴選奏派辦理收掌彌封等事 庶務官二員由學部堂官就本部各司員中選派辦理場內供給及雜務 監場官若干員由學部堂官就本部各司員中選派監查各生考試 八嚴密關防 設內場監試御史一員專司稽查關防由學部咨取科道各官銜

名奏請 欽派 凡主試官襄校官暨提調內收掌彌封庶務等官一經派定均須即日入場住宿未揭曉以前不得外出俾昭慎重 監臨官二員應輪流在外場住宿以便稽查出入嚴杜弊端 試卷於每卷末頁之左角內填彌封紅號於卷面之浮簽上填寫考生姓名及坐號收卷後由彌封官揭去浮簽交提調官分送主試官或襄校官評閱其各項試卷非經主試官評定分數後不得開拆彌封既拆彌封已知紅號之後不得復將分數增減以杜弊竇 考生文憑分數由學部評定於拆試卷彌封之後隨同紅號名冊送交主試官以便計算總分數

東三省總督錫良奉天巡撫程德全奏請以錦新道改為錦新營口等處分巡兵備道並頒發關防片

再奉錦山海關道經前督臣徐世昌奏請改為錦新等處分巡兵備道兼山海關監督由會議政務處議准覆奏奉旨允准咨行在案查該道原治營口舊設營口海防同知現已奏明改為直隸廳仍應歸該道統轄應請將錦新道名為錦新營口等處分巡兵備道兼山海關監督以符名實所有該道關防暨前督臣任內奏准升改之與鳳等處分巡兵備道 興京府營口直隸廳等關防印信並請 飭部迅賜頒發俾資信守各該缺暫由奉省刊就木質關防頒發鈐用其舊領關防印信即飭繳銷除分咨查照外理合附片具陳伏乞 聖鑒謹 奏宣統元年六月十七日奉 硃批該部知道欽此

兩江總督端方江蘇巡撫瑞澂奏中書尹克昌銀行虧款請革追片

再前准度支部咨據職商尹克昌等呈請集資在鎮江開設信義儲蓄銀行令即查覆等因當經飭據鎮江關道查明該職商資本不實覆部核辦在案乃該職商尹克昌不候註冊給照輒在沿江沿海各埠開設分行多處濫發鈔票而又毫無準備於本年四月間被擠倒閉江海關道蔡乃煌慮其牽動市局督同商會以該行在鎮江受抵之造紙機廠先後向和蘭銀行等處押備銀八萬兩將該上海分行所出鈔票先行兌付現計上海一埠尚虧欠儲蓄存款等項洋銀十八萬餘元鎮江一埠虧欠儲蓄存款及未兌鈔票一萬四千餘元該職商除受押鎮江造紙機廠之外別無所用而紙廠中尚有轉轉未清之事且先已押借和蘭銀行等款加以鎮滬兩處虧欠之款全須指此償還斷不敷抵况該職商漢口分行虧欠之數聞亦甚鉅經江海關道飭縣將尹克昌傳到看管勒限清理迄今毫無頭緒非從嚴究追難期了結據江海關道蔡乃煌詳請奏參查辦並以各債戶存款摺據除尹克昌列名蓋章外尚有

馬湘伯之名又據登報聲明自宣統元年起歸新總辦道員李輔青接手現在行已倒閉莫可收拾馬湘伯李輔青兩人均難置身事外請分飭一併清理等情前來奴才等覆查無異除飭查明該行經理及夥友等有無掩逃奇頓情弊分別查封勒追並分飭馬湘伯等趕緊設法清理及咨部查照外相應請 旨將該職商內閣中書尹克昌先行革職如該職商捐有升階並請褫革俾從嚴訊追謹合詞附片具陳伏乞 聖鑒訓示謹 奏宣統元年六月初九日奉 硃批著照所請該部知道欽此

江蘇巡撫瑞澂奏請將淺水巡艦合一聯隊摺

奏為蘇浙淺水巡艦合為聯隊謹將營制餉章立案緣由恭摺仰祈 聖鑒事竊查前因太湖界連江浙港汊紛歧梟匪日益猖獗原有緝私砲船難以制勝經前督臣端方奏明製造淺水巡輪數艘裝配快砲專令巡察太湖及內河一帶欽奉 硃批允准奴才適在藩司任內奉派督辦緝捕清鄉事宜會商蘇浙兩省添造巡艦八艘合為聯隊蘇省共購四艘名曰仁勇陪戎係屬鐵質在上海公興船廠訂造又曰扼威昭武係屬木質在江南船塢訂造浙省共購四艘名曰宣節翊慶致果禦武均屬木質在江南船塢訂造共計巡艦八艘飭派南洋江元軍艦管帶博千總順為統帶各按等級分別編配為左右兩翼蘇省計大隊兩艦中小隊各一艦浙省計中隊一艦小隊三艦合為一聯隊以收整齊畫一通力合作之效其仁勇扼威昭武三艘於光緒三十四年四月工竣五月初一日成軍起餉其致果翊慶二艘於五月工竣六月初一日成軍起餉其陪戎宣節禦武三艘於六月工竣七月初一日成軍起餉其聯隊統帶項下先於五月初一日起支辦公費銀二百兩書記薪銀二十一兩至七月初一日始照額一律補齊起支全餉並於宣統元年正月初一日添設偵探長一員偵探兵八名所有聯隊統帶項下以及巡艦偵探一切薪餉雜支等費蘇浙各半分籌蘇省應支一半薪餉歷於清鄉經費項下撥用現在清鄉公所已截至本年正月初裁撤自二月分起已改由蘇藩司按月撥給其浙省應支一半薪餉歸浙省釐餉局撥給統計全年蘇省應支薪餉雜費銀二萬九千三百四十六兩四錢浙省應支薪餉雜費銀二萬七千八百五十二兩六錢茲該統帶仿照泰西各國海軍章程斟酌損益訂定營制餉章呈由蘇省巡防營務處司道覆核詳請 奏咨前來除將冊表分咨陸軍部度支部外謹會同護理兩江總督臣樊增祥浙江巡撫臣增韞恭摺會陳伏乞

皇上聖鑒敕部立案施行謹 奏奉 硃批該衙門知道欽此

公牘錄要

督憲那准農工商部咨金窩溝礦產糾葛一案札飭礦政調查局傳齊兩造訊結文

爲札飭事宜統元年六月十五日准 農工商部咨接准咨稱據張道文濬稟稱勘得青龍澗在齊堂村北六里有餘金窩溝在齊堂村南二里有餘中隔大河一道由裂縫岩至金窩溝開井之中心點計有三百餘尺查定章礦界毗連之地始准添領今將南山之裂縫與北山之青龍澗相去十里隔河之山謂夫礦界毗連煤綫一氣貫與定章不合且青龍澗係紅煤金窩溝係煙煤煤質判然人人皆知不能掩也至其新請添領裂縫岩黑豆港百壽溝三處礦界查得裂縫岩有韓永禮山地四畝黑豆港有譚茂廣山地三畝百壽溝有任福宏地一畝今林商所添領之礦界三處只百壽溝在大河之北與青龍澗同屬北山相隔五里之遙不相毗連若裂縫岩黑豆港皆離青龍澗九里之遙毫無邊徑相連之處陳商具稟在前林商買地在後似不能准其添領茲特測繪兩礦詳細界址地圖註明丈尺繪圖貼說一併抄呈稟請查核批示等情據此查礦商林鳳鈞與陳國楨礦地糾葛一案彼此互相稟控各執一詞迭准來咨飭同委查清礦界煤綫辯明置買先後稟請前來相應將送到圖摺一併咨覆請煩查核見示施行等因前來查此案據張道文濬查明各節林商添領礦界相距千里中隔大河不能指爲毗連當係實在情形惟於陳商稟辦金窩溝煤礦有無違章之處亦應提及互證參觀是非曲直乃易定奪據該道所稱林商所買裂縫岩地距金窩溝開井之中心點計有三百餘尺又據陳商稟稱裂縫岩地在金窩溝礦山之內查礦章第二十六款有凡民地如須擬勘皆須先商業主不得絲毫勉強致啓爭端等語陳商稟勘礦地如將裂縫岩礦地包括在內照章自應先與山主韓永禮立有商允字據韓永禮既將該地賣與林商是陳商原稟礦地並未與業主韓永禮商允可知現在林商既買有裂縫岩礦地卽爲該地業主陳商如擬勘辦裂縫岩礦地照章應與林商商允如業主欲照章留爲自辦陳商亦不能絲毫勉強惟查該處礦地界址毗連脈綫一氣如陳林兩商化除畛域合力勘辦固爲至善或林商願以地作股歸併一公司辦理亦屬兩有裨益倘兩商不能協商祇好飭令劃清界限各辦各礦否則纏訟不已互相爭持兩造均有不利之處除批示該商等遵照外相應咨覆貴督查照轉飭礦政局查明傳齊兩造秉公訊結

並將辦理情形聲覆本部以憑備案可也等因到本署閣大臣准此合行札飭札到該局即便查照傳齊兩造秉公訊辦具覆此札

天津辦理選舉員劉錫彤懇請董事會澈究匿函文

爲懇請澈究匿函以維自治而證品誼邪正事竊彤前承貴會照會約辦議事會改選事務當以地方公益尤爲專任四區(楊柳青警局二區之屬地)五區(北倉警局一、二、三區之屬地)選舉員經理該四五區之調查表與初選舉執照事件暇則并兼辦第一區(南北段屬地)選舉分赴各警局調查事宜其填表換照各事皆有警局董事等所經手形初不過勸辦而已彤初選當選突有齊維新者函繳第一區(即南北段之屬地)初選執照十紙於議會并請議長轉交以囑舉不及等語譴議遂交董會查辦董會則於本月十一日登報招齊維新來會面談以憑規究乃齊逾五日不到已一面由董會以匿函誣人核覆一面登報宣布蓋此段公案之曲直是非彤固已得不辯而辯之要旨矣但形容忍之固是知我者亦應共認爲是然特恐世之不解夫選舉者愈滋疑慮鄙棄夫選舉者愈肆譏評在形譽我不足爲榮毀我不足爲辱悠悠之口所關尙小倘後之類如齊維新者愈出愈多生自治種種之礙力則所關豈淺鮮乎是以懇乞貴會詳細調查齊果爲誰是否認讎以分黑白齊函果確形當照章認罰倘齊函盡誣或假齊維新之名以濟陰謀逞其含沙射影手段揆之法律亦當有科以反坐之理如果查無其人實屬誣告亦請由貴會剖晰公布以昭核實而表行誼即呈候核議施行

清苑縣文生劉聯桂稟控借礦誣騙請飭究辦文並批

爲借礦招搖誣吞銀項疊經向討特勢不還懇恩澈底根究以懲誣騙而便追償事竊生於五月間赴 商部稟控段瑞勳借礦騙銀等情一案蒙批據稟段瑞勳借礦騙銀特勢不還各節已據情咨行直隸總督轉飭查明辦理仰即赴津聽候質訊可也等因情緣段瑞勳動借礦騙銀之勢力扣留紋銀二千兩有伊催款之書信又有伊收到條圖章戳記可證臨審呈驗生於去歲向伊討要伊言俟二弟芝貴開復原官即行如數償還生以盤費告罄伊遣李瑞堂許幹臣等送洋八十元下餘分文不給逼生上控伊三弟段谷香噴生向討聲言倘再來討要送至審判廳准必管押斷其飲食生聞此言亦肝胆俱裂生雖有理其如理不敵勢何爲此蒙 商部金批來轅投審叩懇

中堂體恤商情以懲誑騙而便追償則國家均感鴻慈於無既矣 據供伊前赴 商部控段瑞勳誑銀一案蒙批咨行直督轉飭查辦等語但段瑞勳誑吞紋銀二千兩確有催款書信收條戳記可證不料屢討不償還恃胞弟芝貴等勢力言欲送廳似此恃勢誑吞只得來贖叩乞澈底追究等語理合恭候 憲核批示

督憲那 批此案前准 農工商部來咨業經札行礦政調查局查辦在案據稟前情仰該局併案詳細核辦具覆 此批稟抄發

文告錄要

督憲批示錄要○清河道稟派委大清滿彪各河及雄縣秃尾隄防汛委員銜名由 批據稟已悉仰即分飭該印委等妥慎防守務保無虞此繳○警務處詳覆核讓磁州稟警款無力照交擬裁減警兵名數由 批據詳已悉仰飭該州遵照此繳

藩台牌示○祁州吏目韓桂森因清理礦務未能到任遺缺輪委試用典史陳淦署理

京師督學局牌示○為牌示事案奉 學部文開普通司案呈查本部奏定師範生義務章程內載優級師範生有効力全國教育職事之義務其年限暫定為五年年限以內應盡心教育不得營謀教育以外之事業不得規避教育職事充當京外各衙門別項差使如實有不得已事故請緩義務年期攷查屬實仍以二年為限如私自遷延至一年以上者即將所得獎勵撤銷各等語立法至為嚴密自應遵照辦理查光緒三十三年三月京師大學堂師範班第一次畢業曾經大學堂咨明該生等願往服務省分及因故續請改認他省各生當由本部先後分咨在案光緒三十四年五月復經本部咨行各省如有此項師範生在該省効力義務或充當別項差使或在該處居住并未効力義務者一併詳查報部各在案嗣准各處陸續報部分別注册惟事隔年餘各處服務之師範生或有遷移變動之處自應詳查續報以便接算年資其報部之時須各另造清冊冊內約分三項一光緒三十四年以前在該省某處服務現仍照舊未改者二先在某處服務後又改赴他處者三於報部之後續到該省某處服務者以上三項分別注明職任薪俸及到差離差年月以憑攷核行局查照核覆等因到局奉此所有光緒三十三年三月京師大學堂師範班第一次畢業學生曾經呈明留京効力義務之員除由本局札委者不計外

其餘各員有經官公私立各學堂約聘充當教員或管理員者務將職任薪俸及到差離差年月報明本局以憑呈覆合行牌示遵照特示

籌辦南洋勸業直隸全省出品協會廣告○啓者案查光緒三十四年春間南洋大臣端大帥奏明 皇上擬自宣統二年四月初一日爲始至九月三十日止在南京地方開辦一勸業大會所有中國各省物產工藝美術教育等項新奇物品均可於明年二三月間運往南京會場內比賽藉以銷售兼可獲至美之名譽現經南洋大臣備有金銀銅三項獎牌專爲獎勵各省工商而設並可啟發各工商實業競爭之思想且恐直省貨物如於明春運赴南京時一切關稅釐金及運輪等項所費不貲曾經奏定免納稅釐至於火車輪船概收半價仰見端大帥提倡我國實業無微不至我省工商兩界於各項製品應如何悉心規仿精益求精以期運賽時爲各省所注重查本埠公司工場以及商店行號所有製造各品雖不能諳頗歐美然較之從前頗見進步茲由南洋大臣咨請 直隸總督憲設一出品協會所有直省各府廳州縣物產及製品先行運送直隸出品協會由協會於本年秋間儘行陳列開會展覽以資審查比較一俟會竣或由商人攜帶貨物自赴南京與賽或託本協會代將各物運往南京與賽均無不可總之此項協會所有各行個人均負協助襄贊之責不可膜視現在直隸全省出品協會已在天津勸工陳列所內設立即河北公園新考工廠除由本協會選派調查員分往各省各府廳州縣詳細調查勸導外所有本埠 貴商店公司工場行號等誠恐未盡週知用特佈聞即請將所製藏各品早日送會俾得陳列比較不勝禱盼此佈 直隸全省出品協會總事務所啟

電報錄要

路透電○中國商人由漢口運到英京猪肉甚多英京海關派稽查員考驗現據英國商人報告此項猪肉甚好并所運之家禽(指雞鴨等類)以及雞卵均稱上等將來中國在英之商務必佔優勢

又電○英國軍界中人對於堪納德大公爵辭職之事頗有煩言

柏林電○法總統法利爾氏與外部大臣比昌氏在內閣宣言近日歐洲和平大局因俄皇遊歷各國甚爲堅固深堪祝賀

又電○瑞典國將有普通罷工之風潮

又電○英皇邀請葡萄牙國王至倫敦一遊

又電○摩洛哥國王現派員與西班牙議訂和約以便了結里夫地方戰事

又電○土耳其國與布加利亞國擬提議聯絡政界各事以敦邦交

又電○西班牙國喀達蘭尼亞地方人民提倡與西國分離現在宣布預備戰事以便抗拒西班牙政府

又電○德國塞普林伯爵乘坐飛艇擬往克蘭尼地方爲颶風所阻遂返福蘭克非德地方

新政紀聞

政治

議核實考。查州縣成績。○聞政府以整頓吏治爲籌備憲政之基礎而各省對於考查州縣事實之成績往往有不能核實之處如前任已辦有成效之件繼任未久竟自以爲功其辦理不合之件則盡皆推之前任殊爲不合特

於日前咨行各省嗣後須詳細註明某項原有若干添辦若干成效若干一聲叙不得籠混以昭核實

官紳籌辦自治公所。○蘇垣官紳於上月二十八日在元都方丈內集議自治公所進行方法計是日除吳縣王大

令因公未到外首府何太守因公赴甯當委金大令彭年陳大令其壽爲代表長洲趙大令元和吳大令及潘紳

祖謙尤紳先甲蔣紳炳章張紳履謙倪紳開鼎王紳亦曾曹紳元恒石紳祖芬等蒞會三十餘人下午三時開議

一議定名稱長元吳城廂自治籌備公所 二公推主任先由趙大令言籌備公所事務既繁須公推主任辦

理各務後遂公推潘紳祖謙爲正主任續推尤紳先甲蔣紳炳章爲副主任 三劃區議定查明原有巡警區域

再請官長出示照此辦理 四調查議定之八九十四個月內分區調查遴選公正明達者住在何區即請其調

查並由官長給予照會 五議決開辦經費約須二千元此項經費當時籌措爲難有議此項經費先行籌墊將

積穀帶徵內酌提數成歸還或請積穀加徵攤還(即名附加稅)有謂積穀帶徵一百文係備荒興學要款加徵

一事亦非一時可以辦到惟當時李君敏齋與潘君硯生辯論最久李謂可請各善堂及各團體担任經費湊謂

現在地方自治尚在籌備期內未至成立時代李君所言在自治成立以後亦是確論現擬官紳協力籌墊辦理

當時官紳均贊成此議遂由趙吳兩大令及各紳決議開辦經費各任一半計三縣籌墊一千元豐備義倉四百元學務總匯處二百元男女普濟堂二百元育嬰因江紳未到再行通知現復於初四日推舉辦事員並借定元都方丈內爲辦公之所

外交

咨請保護遊歷外人○督憲准外務部咨英員安德森費信修等前往東三省遊歷又咨美人絡一思赴江蘇江西福建遊歷各等因已札飭所屬照約保護矣

呈報美領事請假○督憲據津海關道呈美總領事衛理請假兩月所有敝署一切事宜均由副總領事巴特拉代理等情已咨行外務部查照矣

呈請保護遊歷日商○津海關道呈日商高久兵四郎由津赴直隸山西山東奉天吉林內蒙古遊歷等情除分咨外已札飭所屬妥爲保護矣

學務

私塾觀摩會發獎○天津勸學所開辦私塾改良觀摩會揭曉情形已紀前報本月二十日午後爲發獎之期計甲乙丙三級最優等優等學生共七十六名均由其塾師陸續帶領到所當由縣視學點名中區勸學員付給獎品

井各有演說南區勸學員亦在場照料井演說教育之益發獎後復分贈各塾師名譽金計得名譽金者爲趙以文張文棟張翰鍾金聲李登雲李文山沈健獅楊錦榮車槐九君試卷卽由各塾師携回分路傳觀云

派定中小各學教員○直隸提學司派定各屬中小學堂教員如下 中學堂 天津府王松壽天津府私二孫朝

弼南皮天津府胡鑿天津府王振綱天津府董恩祥天津府黃文濬天津府高興昌天津府阮文允蔚州天津府

馬少魯趙州天津府洪鈞天津府張承蔭天津府華以恪天津府李鶴聲天津府張萬清 小學堂 天津府王

樹昌周學彬王大昕杜彭年張爾常靜海張云璞南皮天津府王周熊陳鍾年張玉斌張炳南鹽山

法政講習會畢業案○蘇垣法政講習會已於暑假前考試畢業茲已揭曉特將全案照錄如下最優等三名 馮

澤涵 秦曾誥 周毓鏞 優等十八名 王鑫山 陳國柱 丁士斌 陸寶光 蔣延琛 祝韶 張懋祖

魯兆年 陸左英 徐如珪 徐均燾 程銘彝 華清泰 劉星衍 趙大鋆 杜肇紳 聞汝楫 陶大徵 中等十八名 周汾 朱保珪 嚴鳳崗 陸鴻樑 李鳳墀 吳保泰 張福保 汪念祖 吳冕英 潘蘭先 周永暉 陸廷藩 陸恩榮 錢士楨 童宗泰 沈昌齡 王俊 汪之模 下等八名 陳舒 吳炎 華金烽 滕清臣 朱于鳳 章健 章守璽 吳煜

實業

南洋第一次勸業會意見書○勸業會者非徒蒐集物品供一時之眼福其宗旨務使鬪智競勝入吾國民腦髓振興實業喚起睡獅轉貧弱爲富強固二十世紀最當注意之事也夫中國爲文物之邦四民重土由來已久故人人有樂居士大夫而恥居農工商者禮失而求諸野母乃爲賢達竊笑乎抑知上古渾渾噩噩人無競爭思想降及中古兵革禍作漸起爭端厥後風氣愈趨愈變心思愈用愈靈哲學家輩出發明各種學理近視東西各國無物不競勝無人不鬪智工商實業之發達如一接電氣鼓盪萬機蓋兵革戰爭之世界又一變爲實業戰爭之世界矣比年以來 朝廷銳意維新知各國之所由富強得力於商戰實起點於工戰爰特設農工商專部以開通風氣所以提倡而保護之者無微不至 溟陽尙書自出洋考察政治回國見各國之工藝日新月異其潮流之浸灌吾國者不啻吸我髓而髓我腦於是殫精竭慮日欲設一優勝之思想以敵之此南洋勸業會之所由興也斯會之設爲吾國創舉亦爲今日立憲政策之要素南洋既開辦第一會以爲先河之導尤願各省分設出品協會以贊厥成願念茲事體大用意亦至深固非徒廣羅博購飾爲瑰麗之美觀也蓋賽會目的意在徵集商品第別良楛以鼓舞全國實業界之精神務使人人有比賽之思想人人有觀覽之心得吾知四萬萬同胞有智識與無智識自經比賽後可得一實在比例數斯時環顧國民其智識深而製品良者精進幾何其智識淺而製品庸者觀感幾何進化蓋可想矣否則士商各自爲士商農工聽其爲農工耳聾目塞不相融洽則中國立憲之前途萬姓之生計豈不大可憂乎豈不大可憂乎下走早年三次遊學東瀛深知日本實業之發達得力於賽會者居多每謂吾國欲救貧弱非注重實業勸導研究不爲功今者奔走南北從事斯會深恐材輕責重奏效未能有負大帥委託願區區之忱竊欲貢一得之愚以爲磁引尙祈諸君子指示南鍼以匡不逮實斯會之幸福也

一切雜費均由所內籌備

一所內除照章設所長教務庶務各員外加派學生輪流值日爲各生代表管理齋宿一切事宜既可以補司員之所未逮亦可規各生辦事之優劣所長稟承總辦管理全所事宜其職務權限如左

一商同教員管理教練事宜

一掌教練所學生功過之事

一購製軍衣靴帽並分發考查之事

一管理學生告假暨考試之事

一購置所內書籍筆墨暨一切應用物件之事

一遇星期稽查學生在外有無不正行爲暨得名譽之事

一教務委員職務權限如左

一商同所長管理學生一切事宜

一商同所長掌管學生功過之事

一按定課程以行教練事宜

一管理學生告假休息暨稽查勤惰名譽之事

一稽查學生宿舍能否潔淨有無紊亂秩序之事

一庶務委員職務權限如左

一管理所內賬簿出入之事

一管理所內應用物件存儲收發並隨時稽查之事

一管理所內夫役動作及稽查勤惰之事

一管理廚房按定時刻作飯有無遲悞能否潔淨之事

一所內規則遵照定章條示茲不贅陳合併聲明

南洋勸業會事務所代訂各省出品協會章程草案

一緣起 南洋第一次勸業會業經 奏明以宣統二年四月朔日爲開會期惟以中國地大物博傳集匪易且各地方農工商等業向無集會陳賽專法有不得不先事籌備分地集合以期完善周密者現除南洋直轄之蘇皖贛三省已由本所參仿日本共進會辦法詳訂各府屬物產會章程通飭本年分期舉行外本所特復代訂此項出品協會草案以爲其餘各省及著名實業(如茶業絲業等)做照各國賽會組織協會辦法各於省城及著名商埠所在組織出品協會以便彙集物品定期展覽及轉運陳賽之用

二定名 此次出品協會應由各省各大商埠組織者由 南洋大臣咨請各省長官督同地方紳商辦理即名曰地方出品協會其各大著名實業如在南洋管轄境內者由 南洋大臣札飭該業舉辦如在境外者則由 南洋大臣咨照該地方長官轉飭該業舉辦其名即定爲某業出品協會(如茶業則定爲茶業出品協會絲業則定爲絲業出品協會餘以類推)

三組織 內部組織一切均由各省各業自行裁定以期切合情勢其大概應設各職略定如左

(一)監督(二)總理(三)協理(四)書記(五)會計幹事(六)庶務幹事(七)陳列幹事(八)評議員(九)臨時職員 以上各員以事務之繁簡定人數之多寡

四區域 凡各省會及著名商埠或該地有著名大實業者均可組織出品協會其餘或一二府屬或十數府屬如物產豐富另自組立該會者亦可各視情勢所宜酌量增設惟均須於事先報知該省地方長官轉告本所或直接通告本所以便查考

五會所及會場 凡該會籌備一切事宜應設之事務所即設於各該省之商會局所或勸業道署內如爲各專業所組織之出品協會則設於該業之公所內以期事權可以合一而費用復可節省至該會出品尅期彙集之後當即由該會另行擇借公所祠宇等合宜之地布置會場以資該會開展覽會之用

六會用 凡該會關於會務之籌備組織與出品蒐集展覽轉運之一切費用均由各省各業分別設法籌措擔任至其用額之多寡則各視其地出品之豐富與道路之難易爲衡

救弱靈丹

有患血虧惡症之處女為韋廉士大醫生紅色補丸所救治
 大抵一家之中不免有一遺體軟弱之人爭存於世而貽家中人之憂者矣在昔英國歐采斯德之法笛噓路有裴
 伊士夫人者嘗論其女皮曲理司小姐因患血虧惡症身甚軟弱每日發厥數次觀其形勢業已絕望今則竟成爲
 光艷康強之少婦所有一切血虧惡症皆被韋廉士大醫生紅色補丸驅除淨盡而歸於無何有之鄉矣皮曲理司
 裴伊士小姐自術其病狀云○余患血虛之症計三年之久身體軟弱每日發厥三四次幾瀕於死因血過虧肉
 消殆盡四支稍有動作便覺氣喘乏力心常志恹手若寒冰背覺凜冽冬夏皆然自維體寒若此痛楚難堪心如稿
 木死灰幾無所望又兼胃不消化艱於飲食雖有嘉肴不能亨受有時胸痛異常頭痛如刺膽汁不化種之疾苦接
 踵而來令人不堪卒受雖曾試服多藥終毫無所濟人皆謂余不克久居於人世矣余母亦謂兒病若此若聽其



英國女子
 患血虧症
 爲韋廉士
 大醫生紅
 色補丸所
 救治

因循而去終非了局當以韋廉士大醫生紅色補丸服之庶幾
 其有多乎或曰爾何以一日思及此丸而與之試服母應之曰
 吾長女婦甯時見其妹皮曲理司如此病狀則曰母乎盍即以
 韋廉士大醫生紅色補丸與之服食乎請速勿遲吾故思及此
 丸也余即從命服食初覺未見其效及至第三瓶後覺三年內
 被血虛所纏頭痛身弱一切沉疴爽若失爰乃安心連服則見

精神日爽胃口日增雖食堅硬之物亦不憚其不他化身體溫和面轉色澤足證韋廉士大醫生紅色補丸已與我
 鮮紅之新血矣余一生從未覺有如今日之暢爽者若非賴韋廉士大醫生紅色補丸之功不將早爲泉下人乎
 韋廉士大醫生紅色補丸已得千萬人之稱頌皆曰愈軟弱無血氣之婦女及乏力患腦筋病之男子均有奇妙之
 功用因其能將枯竭受饑之血管充盈鮮紅稠濃之新血固非他藥所能爲也是丸不第能醫治血虧惡症且能醫
 治 腦筋失調 諸虛百損 少年斲喪 陽萎不舉 筋絡刺痛 猪羊痲癩 腎虧痿痛 左癱右瘓 腳氣
 衝心 山林瘴氣 以及婦女 月信不調 經來腹痛等症服之莫不奏效如神

中國各處藥局商店凡經售西藥之處均有代售或直向上海九江路B字第八號 韋廉士醫生藥局總發行
 處購買亦可價銀每六瓶大洋八元每一瓶大洋一元五角 遠近郵費一律不取

上海九江路 字第八號 韋廉士醫生藥局啟

新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰五水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告光顧諸君請向本公司索閱面議一切可也

德律風一千三百零九號

利文洋

本行開設天津上海香港志呢華海參巖等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑽珠寶鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡放梳洋鑲大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行主人啟

瑞林祥元記 綢緞洋貨

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器磁藍 奇巧美術玩器 學界文房用品 旋行携帶等件 精工製身物料 定織各色麗氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

六月十二日至二十日止代收甘肅賑捐第一期清單

李仲怡十元 熙寶臣一百〇八元 馬學庭十五元 (熙寶臣經募) 吳伯生十元 江輔廷三元 徐希程二元
 劉鑄陶一元 張錫之二元 張春霖二元 武繡章十元 俞懷琴二元 鄭襄臣一元 潘溶初二元
 王蓋廷二元 程松樵一元 吳明齋一元 李慶楨二元 周鳳儀一元 王桂卿一元 王鈞一元 范鴻文一元 李鈺
 卿一元 劉長泰一元 賈元甫八元 譚子猷十元 周鳳儀一元 王桂卿一元 寇景春二元 金仲平十元 鄭克恭二元 賈子璞二元
 渤海五郎二元 海陽氏二元 以上二十八號均熙寶臣經募共九十元 景祥和五十元 敦慶長十元
 車站函送) 陳子馥五元 白昆甫十元 怡怡堂郭五十元 (謝受之經募) 慶長順五元 裕源銀號十元 公益銀行三十元
 元 永昌號五元 永利號五元 謙順銀號十元 鄭翰卿十元 救慶號五元 瑞成錦四元 樂善堂十元 裕源銀號十元 義生
 一元 世德堂葉十元 聚成染店五角 益生裕染店五角 容生號染店五角 集義生染店五角 義和號五角 義生
 華軒五元 長泰染店五角 長泰益五角 源和號五角 興隆號染店五角 義和號五角 義生
 聚恒德染店五角 聚順昌染店五角 聯陞帽店五角 恒慶齋靴店五角 春華泰號三元 天津銀號五角 義生
 泰染店五角 德興成染店五角 寶樹堂五十元 許靜甫十元 志成銀行公化銀一百兩 以上三十七號謝受之經募洋
 新泰銀號二十元 寶樹堂五十元 許靜甫十元 志成銀行公化銀一百兩 以上三十七號謝受之經募洋
 四百二十〇五角銀一百 以上共收捐洋六百五十三元五角公化銀一百兩整 天津籌辦甘肅賑捐局謹啓

名醫到津廣告

啓者四川會建侯大令精岐黃歷在鄂豫京奉各局所當差所至俱以醫名屢起沉疴茲來津厲買家大橋福祿棧
 有患病者幸勿以此機會特佈
 錢聽彝啓

甘肅來電廣告

各報館鑒甘荒惟首府各屬爲最重有四年夫收者需賑銀四十餘萬兩已有半數現得透雨又無子種尙望提倡
 以救災黎
 甘肅士紳同叩

速救黎災

敬告者現值甘肅省亢旱異常赤地千里小民直有易子爲食之慘狀不忍聽聞亟應勸辦義賑以資協濟如蒙
 諸大紳商善長慨捐賑款請送至北馬路商務總會掣取收據以便彙解災區散放拯救黎黎不勝盼切之至此佈
 天津救急善會謹啓

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

京奉鐵路局廣告

啓者本鐵路天津至北京又塘沽至胥各莊各段內應行別換舊道木約有一萬八千餘根其餘各段約有二四萬根現擬投標出售如願購買每根出價值若干開列封在信封內寄交本局華收支處彙齊定期開標特此佈聞
京奉鐵路局謹啓

京奉鐵路局廣告

啓者現在關外新民府附近一帶潦水漲發火車不能通行所有往瀋陽各處客商請暫由營口轉車前往俟水退車通再行佈告

京張鐵路局廣告

啓者本路由豐台至張家口之車已照常通駛此佈
京張鐵路車務處啓

減價實字全數助賑廣告

僕寒士也向藉賣字度活今甘省荒旱異常凄慘萬狀日來紳商醫學各界紛紛倡議助賑接踵繼起實繁有徒殊堪欽佩僕一介窮儒願效綿力明知杯水車薪無裨時局然義務所在不敢不勉茲擬由六月初十日起結至九月初十日止計三個月仍仿上年江北水災賣字助賑辦法此次并照僕曩日原訂潤格切實核減以期簡捷易舉所得潤資全數匯解災區聊資補救如蒙賜件請送交北馬路華勝燭皂公司或舊北門內永泰合洋貨鋪及東南城偶保德藥店代為交收潤資先付五日取件茲將酌減潤格列左

七言楹聯三角
四尺挑山八角
六尺屏幅四扇六角
名戳一角
摺扇四角
密股不書

章武順連城謹啓